


國立故宮博物院珍藏



清代起居注冊

光緒朝
第五十五冊

國立故宮博物院珍藏

期限表

请于下列日期前将书还回



光緒
古口



0000027318

五册

375065

光緒二十二年正月	上	二七六五
光緒二十二年正月	下	二七七五
光緒二十二年二月	上	二七八五
光緒二十二年二月	下	二七八五
光緒二十二年三月	上	二七九二
光緒二十二年三月	下	二七九六
光緒二十二年四月	上	二八〇七
光緒二十二年四月	下	二八〇九

清代起居注冊 / 光緒朝 / (清)徐致祥等奉敕撰, --
 民國76年:臺北市,聯合報文化基金會國學文獻館印
 行,影印本
 80冊 21公分
 據國立故宮博物院藏手稿本影印
 聯經出版事業公司總經銷

1. (清)徐致祥等奉敕撰

654.77/7974/76

NT\$ 68,800.00

76.02.0650

.6500113

清代起居注冊 光緒朝第五十五冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五六一號
 電話:七六三一〇〇〇一六九五
 郵撥:〇一〇〇五五九一三號

行政院新聞局登記證局版臺業字〇一三〇號
 保有版權·翻印必究

中華民國七十六年二月初版

光緒朝共八十冊
 定價每部新台幣六八八〇〇元

光緒二十二年歲次丙申正月初一日丙申

上詣

奉先殿行禮

堂子行禮 辰初

詣

慈寧門外率王公大臣蒙古王貝勒貝子公文武大小

官員等行慶賀禮禮成

詣 儲秀宮

慈禧端佑康頤昭豫莊誠壽恭欽獻崇熙皇太后前遞
如意 辰刻

御太和殿受王公大臣蒙古王貝勒貝子公額駙台
吉文武大小官員等朝賀禮禮成

詣

大高玄殿拈香

壽皇殿行禮 午刻

御乾清宮陞座

賜近支宗藩等宴

詣 瀛秀園跪接

皇太后幸頤年殿看戲侍晚膳畢跪送

皇太后還儀鸞殿

駕還養心殿

是日

起居注官閩普通武陸寶忠

初二日丁酉卯刻

上詣坤寧宮

陞座率王大臣等進肉畢

詣儀鸞殿

慈禧端佑康頤昭豫莊誠壽恭欽獻崇熙皇太后前請安
奉

皇太后幸頤年殿看戲侍晚膳畢

駕還養心殿內閣奉

諭旨上年順天直隸各屬被水被潮地方田禾受傷
業經截撥銀米並將被災較重之區分別蠲緩錢
糧小民諒可不致失所惟念今春青黃不接之時
民力未免拮据加恩著將武清寶坻甯河霸州保
定文安大城遷安清苑雄縣安州高陽河間獻縣
阜城任邱景州故城吳橋天津青縣靜海滄州鹽

山永年清河開州南樂清豐東明長垣豐潤玉田
甯晉深州饒陽等三十六州縣成災五六七八九
十分各村莊應完光緒二十二年春賦地丁錢糧
並各項旗租著緩至光緒二十二年秋後啟徵其
歉收三四分村莊應完光緒二十二年春賦地丁
錢糧並各項旗租著緩至光緒二十二年麥後啟
徵又勘不成災之房山滿城安肅博野東光南皮

無極南和唐山平鄉鉅鹿任縣曲周廣平雞澤元
城大名隆平等十八州縣歉收三四分各村莊應
完本年春賦照常徵收外其原緩至本年麥後啟
徵之歉收四分村莊應完光緒二十一年並節年
地丁錢糧各項旗租同歉收三分村莊應完節年
地丁錢糧各項旗租均著緩至本年秋後啟徵凡
有應徵屯米穀豆草束竈課學租通津二幫屯租

旗產錢糧海防經費河道錢糧儲備軍餉廣恩庫
租永濟庫租兵部馬館租鑾儀衛租代徵租暨出
借倉穀籽種口糧牛具等項隨同正項糧租分別
緩徵津軍廳葦漁課納糧地畝內有生落武清天
津二縣者歸入該二縣灾歉村莊一併查辦又文
安縣隄內成熟各村連年灾歉應完節年地丁錢
糧各項旗租著緩至本年麥後啟徵以紓民力該

督卽刊刻謄黃徧行曉諭務使實惠均霑毋任吏胥舞弊用副朝廷履端布聞惠惠畿疆至意該部卽遵諭行

是日

起居注官恩順張英麟

初三日戊戌內閣奉

諭旨額勒和布奏假期又滿病難速痊懇准開缺一
摺額勒和布著再賞假兩箇月調理毋庸開缺又奉
諭旨董福祥奏遵查營官冒功邀獎據實覆陳一摺
甘肅營官王正莖前因帶兵駐守積石關拋棄餉
械移紮白塔寺圍困康達被圍坐視不救經董福
祥查明奏參降旨革職茲復據該提督將該革員

續被參奏各款確查覆奏王正莖雖無暗啖回匪
圍攻康達實據惟以覆敗之將猶敢冒功邀賞實
堪痛恨僅予革職不足蔽辜王正莖著發往新疆
効力贖罪以肅軍紀而儆效尤該部知道

是日

起居注官文海瞿鴻禨

初四日己亥內閣奉

諭旨上年山東被災各州縣業經分別蠲緩錢漕小
民諒可不致失所惟念今春青黃不接之時民力
未免拮据加恩著將被災之濟甯州登豐里等地
方高家莊等一百五十九村莊黑土店等地方王
家堂等八十八村莊歷城縣北乞元一等里宗家
寨等六十一村莊鄒平縣張家套等五十七村莊

並小清河古花溝占壓地畝及白家橋等六十四
村莊長山縣陳常等約東平等三十二村莊新城
縣西陸約龍灣套一村莊新清河挑廢隄壓地畝
齊東縣齊一等里寄家冢等一百五十三村莊並
埝占新建河占隄壓沙壓坍塌土塘湮謙各地畝
禹城縣一都一等里吳東安莊等六十二村莊德
州正東七等保巨家窪等四十四村莊平原縣一